

張

季

子

詩

錄

張季子詩錄卷三

自同治十三年甲戌訖光緒四年戊寅錄一百十二首

南通張 謇

應孫觀督公書記之召將之江寧答周彥升家祿三首
震湍無愉鱗疾風無綏枝促柱無理奏貧家無賢兒我
生廿有二短褐滄江涓上匯天子聖無絲臯與夔下爲
一身計臣朔常苦饑親壽適五十昆弟相怡怡欲聚不
自保况乃他人依橐筆出門去惘惘何所之

伯樂本天人世云善相馬褭驂方作駒局促鹽車下庸
奴鞭箠之朝朝血霑踝相逢虞阪問一顧淚噴灑黃金
飾連錢青絲轡婀娜餉以甘露芻招以渠渠庠騰厲敢

自矜細尺期貼妥豈不爲人用要是知己者
裔裔山中雲散之隨天風渾渾蜀岷水出峽不能同與
子三載交匏瓚儷笙鏞雖云才不敵玉石資錯攻今我
忽不樂汎汎南浮江感子臨別言念子能固窮讀書上
義命豈不安蒿蓬願言礪明德相厚無始終

藥王廟題壁

換骨無方藥可知十龕猶奉漢唐醫

廟爲州人陳若虛
建祀神農倉公扁

龔及張華陶孫
李朱王等十人

丹爐欲叩長生訣煙水微茫月落時

題文姬歸漢圖

漢月何曾老紅妝欺塞來相看蘇武節但覺魏王才故

國千金重聞笳二子哀獨憐青冢艸終古向龍堆

留別諸友用彥升元夜贈行韻

一夕鄉心自戀家曉來微雨亂嘯鴉愁人建業城邊水
送客清明路上花龍虎有時吟寶劍斗牛何處繫靈查
卽看汎汎江鷗白惆悵吾生未有涯

思故鄉行

大隄二月楊柳黃游子牽衣辭高堂御夫在門車在路
欲行不行且盡觴高堂半百髮漸蒼吞聲欲語情慘傷
薄田二頃不足食使兒年少凌風霜讀書愛身有大義
千金尺璧青春光兒但矢此永勿忘且暮猶是爺孃旁

嗟哉兒有爺嗟哉兒有孃含酸忍淚不敢落游子行矣
思故鄉

風吹百艸迴青黃游子攬轡臨康莊弟兄相送遠于野
行行且止心房皇阿兄嗟曰季行役休悲傷家貧猶足
具稻梁爺孃雖老身其康鍼芥磁珀視所引結交毋結
聲氣場憂患古來重骨月季汝甘苦將誰商題彼鵲鶴
鳴將將嗟哉有兄隻身翔游子行矣思故鄉

石梁坦坦官道長春波瀾瀾歸大荒男兒何事出門去
登車四顧眞蒼茫故人束皙與劉梁秦家太虛丈人行

謂東嶽其劉
微略秦煙鋤

爲余千里籌黃糧期余努力志四方鳳皇所

貴履忠義莫邪挫折，真鋒銚貧賤那足短。人氣知己况
得孫伯揚，暫時離別勿耿耿。黃鵠有翼終須翔，嗟哉故
人寔余將。游子行矣思故鄉。

與徐沛之

翔林話別

蒼狗浮雲事變更，不應書劍遂無成。三年塵夢楊經閨，
二月春愁草共生。終恥田文修怨牒，始從汲鄭見交情。
故人相厚寧今日，悵絕江湖獨客行。

謁明史閣部墓

攀號已失鼎湖弓，天意江河日向東。四鎮從容看跋扈，
尺書憔悴見孤忠。冬青麥飯人誰託，燕子春鐙曲自工。

淚血年年消不盡春來猶化落梅紅

聽人說秦中風景二首

不信秦中路崎嶇蜀道長關深愁小鬼關險讐閻王

入秦

所經地名

天漏衣思瓦谿窮樹代梁當杯時一起行李若爲

強

歸猶須易歲去直並邊城埜日寒無色河大裂有聲風
旋雕影大雪照馬頭明出塞男兒事飛騰欲請纓

龍山出險歌

焉逢之歲月在卯一舟江上驚春早旅懷作惡百不堪
造物欺人况爾狡初猶疾雨試廉濺埃臂無光日不杲

江聲漸急雨聲轟獨鹿黑風走雲表奔鯨拜浪但見鬣
神繼翻瀾時露爪青山碧岸出復沒起落不能閒分秒
帆樁篙槳盡失勢振舵中流忽摧撓譬如箕穀如盤珠
輾轉弛張隨僂僂此時幸霽飛廉威呼救逢舟得休兆
方其性命呼吸間神情但覺翦人愀敢云忠信涉大川
自以生死付有昊人生何處無風波驚定回思心轉掉
婁生相賈未可恃伊川坐莊殊有道作詩聊以諗所知
一身出險輕鷗矯

送孫次明華赴書記之聘

扁舟君自去我亦九秋蓬生計才無用文章賤不工紛

紆疑鼠朴契合自魚桐好句誰能惜相思嚼豆紅

次明有詩

不致恐教滿腹和相思

江宵懷古二十四首

花雨落諸天講臺經未畢如何大神通不具臺城蜜

雨花蓋

湖以莫愁名莫愁在何處秋水澹無情呱呱遠山去

愁湖

斜日小姑祠秋艸凝煙綠水響不見人誰弄青溪曲

溪曲

人面艷桃花飄蕭直一葉何事悵橫波自歌薄命妾

桃

蕪波

水面啄魚龍江頭刷蒼鷲不向巢壘間飛來復飛去

燕

子磯

素心託冥鴻志與煙霞近獨憐折屐翁超然亦充隱

謝

公墩

多少吹簫人不見鳳皇影鳳皇幾時來元嘉不可省

風

皇蓋

雙闕闢天門白雲任來往最憐雪霽時月到梅梢上

牛

首山

西邸盛儒官新聲雜梵偈當時自賢王能識皇覽例

鷄

鳴寺

神器歸司馬天亦聽其數官私兩部蛙奪聰以示惡

諱

林園

美人但歌舞君王自情死石上臙脂痕臙脂不汙水

諱

脂井

何事此間來低頭省諸已却憐月與風亦復勞勞爾

勞

勞亭

一死能千秋生也不若死為語褚彥回餘年去如駛

石

頭城

幕府聚清流蒼生命所寄倒版汗霑衣長策新亭淚

幕

府山

練索冒危屨山陰滴翠雨爲憶張于湖空作東道主

濟寺

千莫久成龍誰復待淵藪無怪舊冶爐竟同莫須有

天宮

漢武昆明池伐鼓常坎坎君看麟鳳洲碧藕花如毯

武湖

蠶漿蕩輕煙簫管聲瀏亮翠袖不可呼影隔琉璃障

字廡

漠漠走黃沙牛羊臥宮闕業業九龍橋四百年前月

丙

古寺已千年猶見青瑤瓦不識佛光明曾照螭頭下

峯寺

曉漏聲中待至尊鸞車日日出宮門不應羽衛三更後

玉鏡金花怨子孫

鼎陽樓

鼓鐘聲歇見松杉蕭字千年記瓦函佛果有靈全末路

臺城應是捨身巖

瓦棺寺

鶴唳機雲去不回祇今周處有荒臺梁王頴問癡愚甚

迴別青蓋却可哀

周處臺

玉牀鴛枕鎖夕紗細雨輕風有落花愁絕野棠村婦髮

風光猶是內人家

含章殿

登北極閣

元武鷄鳴安在哉
殘花連蔓上荒臺
北湖一鏡寒湖落
南國三山野寺開
識佛應憐梁帝老
明神猶畏蔣王來
祇今祠宇昭忠在
歷劫休尋十廟灰
從孫觀察公奉差
淮安紀行十六首

朱雀航邊起客愁
盧龍城下水悠悠
誰能更憶前朝事
山色青葱滿舵樓

帆檣影裏落晨星
曉色翻空見一亭
我亦年來同燕子
不堪江上問山靈

一鞭斜日亂山蒼
華表空陵事渺茫
消盡六朝天子氣
看摹碑版出蕭梁

鍾山如黛水如螺
青骨封神事若何
畢竟蔣王能好色
浣紗兒女廟傍多

一寺栖霞月色明
藥苗是處說長生
誰知竟夕江頭水
盡作還家夢裏聲

建炎時事重江淮
故壘蕭蕭說將才
欲問中興宣撫使
愁雲無際海潮來

浮玉山高夜雨縣
瓜洲星火隔江天
坡公玉帶分明在
鐘鼓淮南已可憐

南風簫鼓畫船新
無數紅妝照水濱
自是揚州風物侈
不因佚女吊靈均

蒼生安石與同憂
菱蕙甘棠一棣留
何事南齊王仲寶
斜競散髻說風流

孟城城外水連雲
卅里湖隄傍露筋
愁絕花鬢如鴨大

諺云高郵湖
子大如鴨

如何鴨鵝賤于蟲

高郵產鴨
蛋最佳

湖田處處鴨閑遮
一片菱花間藕花
養得鴨肥菱藕足
一年生計抵桑麻

樂府江南字字新
嬌朱膩粉采蓮辰
可知憔悴貧家女
不似嬋娟曲裏人

宣房歲歲志河渠順水應知一事無識得禹功兼賈策

船山不是一經儒時方讀王船山遺書

王高郵劉應寶名學照邦問誰似潛邱老著書便欲近從潘

四魯通父孔右同時已復恨相如

一城煙雨足蒲荷臺榭臨流結構多最愛蒹葭秋水館

丁儉卿別業晚風月上聽漁歌

何因漢獻誤山陽府有山陽公祠枚里同看蔓艸荒祇是感人

淒斷處南昌亭在釣臺旁

湖上曲

湖水似妾心湖光照郎面郎但知湖光妾心何自見

湖上蓮著花花好蓮心苦心苦亦誰尤花好愁風雨

寄周彥升病中

未覺依人策便長飄齏玉劍黯文章篋中詩稿留君定
江上秋風到客涼已識祥金憑造化何緣灾木尙青黃
相思欲被旃檀病莫更窮愁鏤腎腸

施敬軒挽詞

如子真奇喇蒼茫不可知方干黷一第李燮本孤兒

陳本

姓子
子子

子子遭亂乍耗存疑信今傷永別離三年同學處鏗火鎮

堪思

勵志詩猶在延生術未精偏辭妻視藥苦戒子求名白

馬江千影青蠅海上聲
彌留虛一訣含慟愧生平

謝時大令乃功贈畫梅

別後家林樹樹新
艸堂人日每懷人多君一縣栽花手
却寫江南最好春

華光未礙老頭陀
杜撰談禪酒面醅
若準一花酬一字
燕支原比墨痕多

謝時大令餞別卽所見調之

敲碎明璫兩耳存
東風燕子易銷魂
無端海上隨青鳥
又累春衫著酒痕

額顙爲黃黛
顙眉何人卅六廣
春詞江南桃葉桃根曲

輸與多情大令知

奉呈慶軍統領廬江吳提督

隱然江表繫長城復見中興漢廣平暗咤但聞威百戰
鬚眉未覺異諸生縱橫羽檄春移帳卓犖圖書夜啓楹
盡使風雲求猛士眼中袞袞是英彭

峨峨高節擁轅門拂拂朱旂絳陣雲難得名公趨趙壹
况容揖客重將軍明珠却聘寧無意寶劍銜知昔所聞
駿骨從來能得馬好收騏驥共殊勛

讀史四首

嵯峨百越柱標銅珍瑩何時入漢宮酋長萬人看賜邸

大夫五利慶和戎西羌應復思充國南土誰能繼杜翁
惆悵留犁撓酒日邊兒方弄柘枝弓

搢紳介冑復何如西北東南候尉殊未覺長城堅故碣
祇聞滄海足明珠張鉉出使中行說列障封侯趙破奴
坐使司農勞國計借齋有令關軍須

三年牛馬向西遁萬里蜻蜓島外潮帶子從無隨日出
匈奴敢復倚天驕須防跋盤常因瘡豈有樽蒲盡得梟
橫海樓船今不遠靈旗指顧畫招摺

漢文有道邁成周繒絮何妨被十洲要藉汾陽定回紇
可曾梅錄拜豐州虺蛇寢大三郎祀猿鶴蒼茫九世讎

節度微聞承盛寵
籌邊仡仡自高樓

壽沈義民明府

倣田

二十二韻

青犢滔天起蒼鷲
突地驚山河殘兩戒關隘失千城建
業朝傳箭毘陵夜斫營武臣多惜死
疆吏不知兵慘澹
鴛湖火倉皇鷓市聲當時官令長公寔
號神明校吏千夫集登壇五日盟羽書江上斷鼓角地中鳴獨矢王臣
蹇寧貪烈士名淚飄何繼節血濺孔臺纓叢莽卷施活
霜筠竹箭貞事聞天子喜詔付太常旌官自耒陽
誦功羞賈督爭使君真不俗
識我蓋初傾往事尊前說
創斑坐上呈蠶辛無壯老劍氣尚崢嶸
有母常扶杖承驢迺

請羹諸兒成杞梓羣季况瑤瑛昇祉方延甲餘年始滌

庚

明府事在成豐十年

居然萊子少恥列彥回生聖代求忠孝賢

人有性情直堪風有位誰與薦黃瓊

燕燕篇 憐某生困於讒也

燕燕復燕燕毛羽何娟便年年二三月來承主人眷主
人居高官家有宜春院曾曾鬱金堂葉葉鴛鴦薦雲屏
閒珠簾一一銀絲穿孔雀在東頭鸚鵡在西面中間玳
瑁梁一巢任婉變鸚鵡自聰明孔雀自華絢小心媚主
人學舞日千徧信知不能工要是情所見一朝拂東風
銜泥墮花片却被孔雀嗔未妨鸚鵡晴今年依主人主

人心忽變雲屏亦不開珠簾亦不卷曾曾鬱金堂葉葉
鴛鴦薦孔雀在東頭鸚鵡在西面裴裒不得入自理紅
絲線紅絲誰所繫主人寔繾綣繾綣復如何裴裒自留
戀故國有烏衣豈云心不轉燕燕兮燕燕主人寧女賤
孔雀在東頭鸚鵡在西面

答人

貪如狼狽如羊羶不可使西楚王三狗崖柴不可當一
狗憑默作疽囊彼何人斯謐晏颺望塵下拜粲諸獠但
知媚竈那知與乞得祭餘腹已飽腹已飽事愈非白鷗
汎滄渚鳳皇終日饑客來相告吁且嘻兩姑之間婦難

爲我初聞之曰否否太阿倒持古所有君不見嗣宗臧
否不挂口是中惟可飲醉酒

江寧送周彥升歸里

春江毛雨河豚足片帆話別油山麓白門楊柳看欲飛
相逢共剝湖菱肥湖上盈盈莫愁女石城艇子載將去
蓮花自是美人魂當花曾與傾一尊往時騷笑那可得
君苦窮愁我旅食燕臺高高今匪今云求奇駿千黃金
眼中蹀躞萬馬比于此不凡能有幾君是幽燕老將才
筆陣盪決排風雷似我檣散不中用故應常受龜蜃諷
烏帽九月霜風涼君不能留歸故鄉離恨遠與江天長

乘車僮復過臣里爲言我亦欲東耳安能鬱鬱久居此
鷹次彥升韵

絕塞長風動高秋萬里霜張旆終日飽耕臂少年狂失
勢寧能俊挈空亦自傷槍榆燿文彩雉爾好飛鷄

艸堂偶成

萬柳參差拂曉天東風吹雨艸堂前辭家有日翻如客
却病無方強學禪人事但成眉際繭佛香初覺鼻端煙
不須更苦勸人問家家司空拜衰年

元夜吟

初春見盈月拍手叫欲狂家家綴竿燈繁星引千光我

家有新婦歸及歲再陽一室頗無間
願願如我長驄喜
治酒食奉之上高堂長跽頌大人
百歲恒樂康大人向
六十鬢髮立且蒼期兒得一第
期兒生男祥一第差救
貧生男尉榆桑新婦蘄吉語
叙帕迎三娘俗子是夕迎三娘
三娘灰堆三
天津騎鳳皇讀書不盈尺
何以貢玉堂長年感明鏡
萱艸何由芳仰職姮娥宮輝輝
森藥玉

通州別叔兄

却聽更鼓見朝晴風雨終宵有
淚聲一語遺愁惟暫別
三春扶病獨長征文章已識能
憂患貧賤誰云有弟兄

海上桑麻應自好荷鋤何日與歸耕

雨泊白塔河中夜有作

濕雲如墨壓篷背千點萬點雨聲碎枯鏝短短焰不青
淒然獨對影問形披衾向鏡淚皆熒夢魂欲返愁泥濘
鄰船鳴鳴蕩婦泣舫邊鬼語水禽立聞之令人慘不驢
叩舷欲歌行路難更憐白髮念游子愁雨愁風中夜寒
翔林屢約同遊金焦不果今以舊約期翔林復以事不

余偕因來送別賦此示之

男兒雌伏不得志破帽籠頭出鄉里人生何事不勝愁
黯然魂消別而已徐君生平爾女交作詩論劍頗自豪

憤儒酸腐乃逐賈鑽研寧復知錢刀前年勸我晦文采
拂衣大笑走人海金盡歸來芒屨穿不用卿言頗追悔
去年書來風雪前招要徧踏金焦顛失期不赴詎當再
今猶如此來何焉世間萬事動相左細雨鐙前話瓊瓊
君遭俗物敗清興我亦依人徒坎珂君歌休矣聽我歌
寸步有命將如何行止若能用人力富貴奚難唾手得
六開

遲迴都不達牢落與之期斷雁孤舟外愁人獨坐時市
闕津吏鼓鐙篋社公祠閣上看今夕無端醉一卮
將之瓜洲

暝色無邊合脩途尙此行船搖星不定江靜水能明列
戍千營在當關一樞橫徵縵何所用慚愧是書生

喜風

船頭日日碎西風棘軸方穿豨膏裹榜人偃僂牽長繩
寸前尺却憐鼃跛五更舵背聞颼颼解纜鳴金喜相賀
岸邊竹樹倒向後去若彊弓弦上筈計程金陵十且八
餘此奇零直瓌瓌滕王高會子安來以時致之或者可
明當酌酒告江神更借一帆風助我

詰明風雨詩以自解

黑風鞭雨駕陽侯飛鞚誰能祗合休造化小兒欺病客

乾坤逆旅付扁舟空篋有曲公無度投筆何人我欲愁
未便新詩干物妬魚龍跋扈看中流

寄懷彥升用東坡陳州別文郎逸民韵

春波一片碧油油日夕江干照遠愁坐視羣山迎舊客
空令短楫汰中流酒錢憐女窮三百豪氣誰能隘九州
北望長懷齊仲父未經薰沐亦纍囚

將歸海門留示王大令江寧

君還湖上我初來我去滄洲君未回黃浦春潮千里濁
白門朝雨片帆開江山坐上聽箏曲風月花時覆酒杯
舊約應知期息壤無緣張角兩相猜

春晚黃氏塾

歸後仍爲客
春殘事不同
落花承帽雨
簇絮旋衣風
得食慈烏瘁
知巢乳燕豐
自憐猶學究
不敢誚冬烘

黃封翁松鶴圖

三晉休官鶴共還
百城坐擁老名山
楹書付託諸兒好
野服婆娑卅載閒
入畫真形含遠氣
祝公大藥駐韶顏
何當看撫靈巖樹
隨向東西兩鬢斑

示別黃氏諸子

諸子吾當去西齋
一月師因貧爲客
早多患讀書遲有
志才無小同歸道
不歧懃懃期所殖
無忝好門基

浦口軍中答彥升用前韵

甲帳連雲擁碧油，琅玕終日美人愁。
文殊自與前三住，長史誰能第一流。
但覺吹竽充稷下，相高進酒博涼州。
如今六載滄江上，坐據書城未是因。

酬泰興朱曼君

銘盤

三代重教士，務之有本根。要使識所分，自其方爲民春。
秋遂戰國大道日，以屯士散漫。若水橫決無隄垠，當時
諸侯王大夫私室臣。罔弗謀得士，金璧諧風雲。上者魯
仲連，下者儀與秦。布衣人自雄，千載何紛縕。

漢世重名士，相高公府辟。唐宋藩鎮權，從事自除職。選

舉雖云堙士猶効寸尺懿懿湘鄉侯高勛照圖冊一時
幕間濟濟盛賓客朝魚而暮龍功名蛻侯伯余生嗟
已晚僅求貿衣食俯仰增憂慙意氣徒感敷佼佼張建
封錄錄韓持國

盤也弱而才十倍於丕彊自其少日時開口詠鳳皇能
爲六朝文亦復資初唐故鄉寂文雅得子真非常時時
弄狡獪斐尾五色章却持一寸兵而與矛戟當角勝非
吾事吾意寔所臧花冶常不食太璞無浮光期與慎厥
德貧賤未可傷

夢中有詩醒忘其半因足成之

輕霜嫩日曉寒新
柳髮攤書岸角巾
環卷白魚多脫蛻
巢簷黃雀漸親人
得閒始覺閒原好
方夢寧知夢是真
鎮日獨居觀物我
未妨神馬與尻輪

浦子口中敵臺

入柱陵虛鬱鬱開奇人
奇事傳荒臺

俗稱餘信將臺

天資赤帝

成王業地近烏江
說將才落日旌旂
猶在眼高秋狐兔
劇堪哀深愁極目
煙波外異域風濤
萬里來

酬含山嚴禮卿

家誼

白髮青衫幕府前
深杯長對燭華圓
念君烽火移家日
先我江村上學年
蘇軾文章今老輩
魯公賓客幾清賢

短書雋永無人識安穩歸尋舊釣船

送楊子承孝廉昌祐歸無錫用酬嚴禮卿韻

但覺浮雲滿眼前久知鑿枘有方圓桂親蘭怨渾憑化
絃笑夔憐尙此年萬事計惟歸隱好一端我已遜君賢
何當九疊龍山麓雪夜相尋自刺船

海州邱生歌

鄒子故都東門胸磅礴員海泄不虛田橫去後二千載
乃有邱生之丈夫生家故隸淮陰市任俠初慕關東朱
壯年折節能讀書頗自恭謹類老儒既從張公名錫

人編誓殺賊布衣却佩將軍符健兒帳下自一隊將軍

陣上無完膚洞脛折臂喋馬血轉戰齊晉關隴區張公
既死功不上浩歌長缺歸來乎湘鄉相公真愛士重以
生屬延陵吳鄭莊有聲自梁楚孫策所部多龍舒軍門
獻策動緯繡坐看寶劍生秋蕪有時爲我脫鞞舞驚電
起落風吸噓歛使生氣運詩筆精神乃復旁若無當時
軍中有大邱善能使刀伯曹徐以生英雄且文雅畜之
何翅嬰福徒龍泉知己大可呼况詩甚工足自虞遭時
通塞各有命一心富貴寧非愚吾方於生寄膽氣請生
說劍纓曼胡猶當愈彼乞兒萬張蓋作勢乘小車

清明舟中

飛絮東風盡作團扁舟竟日雪中看滄波京口煙華隔
細雨清明燕雀寒漸覺離家衣帶緩祇應對客酒杯寬
墓門何處冬青樹愁見幡幢出社壇

游攝山

鑿輅曾經處風雲輦道通人凌蒼翠上江落混茫中
藥分泉碧巖花趁佛紅殘碑餘岫嶺玉簡感何窮

松影

解帶曾經約十圍陰陰一碧冷斜暉半牀落子琴無語
滿院荒苔鶴未歸濤響自從空際出日光都覺漏時微
誰言據地龍方臥鱗甲掀張欲並飛

竹影

百尺琅玕刺碧霄
舒風鸞尾自條條
二妃幽恨隨雲化
六逸吟魂與月招
荇沼激空三面映
茶烟收入一絲飄
何人乞得洋川筆
十丈鋪縑子細描

梅影

竹外春寒靜閉門
幾枝忽與逗芳魂
酒杯清淺神相接
紙帳惺忪夢有痕
高下亦憑燈遠近
模糊除是月濛昏
教人卻憶尋詩日
風雪騎驢灞上邨

早螢

一雨空園暝飛星
照水來未應芳艸歇
却被埜塹燐猜暮

夜存精氣光芒耐死灰無端深樹裏
豨響翁春雷

履平餉帶魚

腐腸早識肥醲毒侯邸傳鱗母乃俗清齋一月不出門
風日蕭條冷甌粥邱生餉我東海魚纖如帶長白如玉
粒鹽糝花疑有霜劑桂薰蔥旨且馥貴人下箸不須此
酸鹹應知雋能獨更誰麟脯羨方平却使豬肝慙仲叔
茅柴濁酒老黃蠶貧家風味由來足蒯緱一劍何足彈
蓴菜秋風歸思促相期同掣珊瑚竿坐釣滄溟巨艦六
雨歎

七旬苦旱不得雨一雨十日不得晴癡龍如羊怒目獐

萬鱗掀舞天瓢傾雷公出裝西向行水底殷殷時鏗匄
天低雲闕白日暝山鬼夜哭鶴鷓嚙屋茆朽腐莓苔青
漏穴拳大聯七星積溜百道窪是程况乃屹屹適相丁
初猶盤旋螭蛇京漸漫且突與壁砰忽不及隕橫流并
下者履屐上葦衾如滌如染如浮罌隅奧牖戶騰涎腥
瓜牛蚰蜒蛄蚓鬚短足之榻折足鎗寢斯饋斯囚拘圜
貧賤性命溝壑輕沮洳泥淖寧敢憎東臯老農輟耒耕
可憐八口愁吞聲吞聲自爾天不聽魃以止雨誰能令
君不見貴官堂上臂燭明主稱百歲賓千齡前席互進
玻璃觥醉裏歌呼頌太平

奉送王子敷觀管治原歸零陵

湘鄉不作更誰依
况復華簪素願違
出處未容疑博士
文章終自感元暉
海山樓在憐芳杜
鉛鋤潭荒有釣磯
誰識滄江虹月夜
米家書畫一船歸

從子德祖殤哭之

不信蛟龍酷騰波
攫掌珠含沙謠鬼使
鎮惡失靈符驟
糞傳聞誤因疑
得訊迂天涯癡叔淚
爲女灑平蕪
憶女方周晬
牙牙繡綵中
豐庭開兩額
秋水澈雙瞳
索食依王母
呼名辨保工
佩蕤艱一物
愧覩客游窮
大父矜憐女
聰明出從臯
名題楊簿字
娛甚會稽孫
謂

引子詩金卷三
以承衰景期之大我門傷心長命縷繫臂有餘痕
索乳方旋踵尋兒乃得尸吞聲娘欲絕攬頸姊何知冢
寂無隣伴詩成哭女遲荒陸風雨夕孤魄更依誰

哭女淑

淑誕將三月歸來亦慰情入門看戲笑縣悅弄孩嬰得
子期徵女同庚况有兄從子亮祖當頭摩赤志猶爲說前
生

阿母方彌月秋深八月涼繾綣時強病撫斲重哀殤祭
醊終難及銘辭豈暇詳可憐魂入夢未解喚爺娘

叔兄讀季弟哭女淑詩書示

斷腸怕聽喪兒事流涕看君哭女詩佛說因緣真澈
悟花開頃刻那勝悲相望小冢蘓秋艸垂莫高堂有
髮絲天上石麟應有屬青衫珍重淚痕滋

張季子詩錄卷三終

張季子詩錄卷四

自光緒五年己卯訖九年癸未錄六十一首

南通張 謇

女貞篇爲陳節母作

翹翹女貞木鬱鬱石上根青青歲寒姿懿懿節母陳節
母方未婚窈窕稱高門所天忽以質譬與焉脫輪六禮
未云備寧有夫嬾恩哀哀詠黃鵠母乃自苦辛懿懿節
母陳大義曰吾聞士人在艸莽委贄斯爲臣丈夫重一
諾况此千金身遂去笄而壘遂覲章與尊夫死親無子
婦歸夫有親丹心照鬼臙磊落眞天人斑斑眼中淚
血凋鵲魂入土化爲木交柯茂千春女貞貞無比節母

誰與倫

瘞鸚

玉帳朝還莫金還兀自依慧曾通佛性警不露兵機毛
羽饑應瘦關山夢欲飛嘈嘈看燕雀未覺寸心違

仿院本貼絨帳銜

靈楓一夜偷天酒飲飲醉舞西風涼化身忽作萬紅蝶
翩跹下集假寒香鬪枝雙鳥好毛羽顧影流盼鳴斜陽
誰將六尺雪樣絹鉤勒渲染生秋光如皋女兒清且揚
素帔羅裙明月墮口脂噙霞爛五色香絨唾出成文章
尋常指爪事縑素叩以六法殊茫茫原本南田崔濠梁

冒家校書初濫觴當時水繪盛絲竹小宛寔冠諸姪行
影梅庵圯土花碧空餘雅製垂縹緗美人迢迢不可接
令我懷古心房皇手此一幘三太息愁絕荔帶夫容裳
飾君梅花之紙帳陳君幽邃之藥房夢游儻到湘中閣
莫待秋林露葉黃

王欣父劉馥疇范肯堂黃君儉楊子欽同在海門作消
寒會別後分寄諸君

皓雪晴火照綺筵纖歌妙舞雜繁絃不須更說銷金帳
笑看吳鉤錦瑟邊

瑯琊風調覓堂堂顧曲徵詞雅擅場却怪銀箏淒絕處

如何天壤怨王郎

興盡悲來漫拍張白狼小范

銅士有
此印

最能狂酒酣一唱

筵篲引四坐無言各斷腸

對酒談兵揚大眼輪困說勝氣如雲幾時真裏天山甲

雪夜椎牛饗六軍

黃雋劉真亦自豪能將談笑鬥噉嘈五陵莫問諸年少

博帶相看大布袍

董伎

董家重見影梅葺百首宮詞佐夜談爲問當筵誰及汝

紅兒機警實兒憨

題丹徒趙嘉生 瑞禾臨程松圓山水遺卷

江山忽然落几席起而從之杳難卽蒼厓赤岸生風煙
遠水殘陽盪秋色躊躇卻顧是耶非但見空濛含水墨
乍者船來京口東寒潮如雪掀孤篷滄洲有景寫不得
當時恨無營丘翁趙生吳興之苗裔六法精研出孤詣
世上于今重戰功坐令主爵窮遭際江湖浪迹年復年
賣畫幾何償酒錢宮聲一去不復返可憐縑素隨雲煙
吁嗟萬物本無主一卷取足供流傳卷中奕奕生氣王
趙生爾豈歸天上欲喚精靈歸去來江山如此曾無恙
西征官軍收復新疆

戈壁連兵復幾年捷書一夜奏甘泉漢家自按榆谿地
驃騎初窮瀚海邊要識狼槃猶郡縣正須驪輦費金錢
至尊宵旰求方略早晚應屯塞上田

荅養田見示感懷之作

高冠長劍浪談兵歲晏歸來雨雪零詩好更憐羅鄴老
酒狂未礙次公醒悲秋氣激真無那變徵歌哀不可聽
試與飛騰騎驚驚橫隴高覽出蒼冥

警卜圖

參軍險語不堪思夜半池邊曙馬騎鑽盡神龜七十二
人間何處眼如規

絮

江水連溝水楊枝復柳枝何心成散雪無力倚游絲白
日驚飄忽青春易別離酒邊金縷曲珍惜少年時

良吏篇爲故東臺令常公作

唐虞治中古左右稷契臣姬氏開明堂周召共秉鈞滂
流浹元化民物還樸純治平有理道要見儒者眞所以
奉職吏書不存其人逮漢漸龐雜取法兼韓申當時二
千石獨重龔黃倫吁嗟去古遠壹切苟且因賈者操利
權耕者羞賤貧朝入司農粟夕伺璽吏門苞苴佐竿牘
不待莫夜昏庶幾印入手一旦償苦辛官好但獲上衆

怨寧足論斤斤常明府藥社東海濱攷其所稱最僉曰
撫字仁百年賴水利不獨聽獄神國家上寬大璽書時
勗勤中原薦水旱萬里橋不春艸間竄疲眈轉死相吟
呻願言牧與宰毛羽少自珍勿令鄉校中感慨思先民

桃葉山

桃葉復桃葉春來但有花生愁花易落何處是郎家
桃葉復桃葉桃花比葉紅願持波作鏡常與照江東
桃葉復桃葉桃根亦自傷凌波襪羅襪空有十三行
舟行聯句倒押五物韻

晨曦逋滯霖遼原寤蒙蔚

朱愛君
傲簡

離尊祖膺太朋競盍

孫尉悲風激颼颼卷晴漪散澤浹枕聲三老驢扇勅五

兩偶馴禽尾沿緣范綱士洪鱗震談嗽披髮陵鄴琅珠

眼招垢拂征役阻况脩偃仰髮以拂卷顧念跼腹腸寧

畏走啤拂飲口槩疑餽斂膺槁想苑曼君褐珠養不腓

弁玉悽忽踈踟踟肩辭鏡窳察脛拚福綱士冊冊屨屨

穿望望岵岵吻實茈紫泣蓼痛哀杖耘芴卷昔窳吾悲

防今棖靈臭屏賊霄崩雲鴛泫條宰樹屹盤也感斯擎

鑄乎游可不曼君仲米趣煎憂歐鐔奮刺刺疲瓠支遠

勞敖嬉制怒艱身西心固東朝娛盱乃佛綱士伏聞皇

帝聖下閱泉府沔孟盤乍毛黷齋賈輩曠迄曼君詔邊

謹土斲飾棄減玉鉞雞鹿築塞牢虓虎屯土乞寒縣節

新窮巖規饒竟理沕宛馬萬謀馳鬼刀四盤剛隱中抗

辛有慈患浮突厥銅士劫碁局孔午爍炭熾矧欵大車

毳如炎炎勢手可熨瀕謀劇笑當衡行噲語勿曼君薪

火憊慟慄蓬累窘魁嘔寡喙孤莫張術道邈而誚伊和

罹武別懷仲受威被寒寢脩焉可徠珍髡自加髡欵丕

貞長離留巨婢荒蕪銅士覽代騷衷紆怨賦瘳瘳弗誓

將買地肺那更豔天緯若龜甘行淖詎牛一蔽鞍曼君

入穎把許瓢封留弃炎蔽亮哉十年書愈彼三百紱迹

與招隱往口噉艸太吃寒鑿粟長艚消煮雨破缸訖怪

思摹鼎剗椎險勇埋掘腦監晉楚搏馘餒愈郊乞銅士

晚犬投嘯噓老烏墮陰鬱箸閣半睡飴板低羣頭屈曼

君生拙僕疑語志違夢嬰拂凋弄桃土偶尉風紙泥佛

賽沒燭禪大月軒篷照塊物銅士

諸葛忠武畫象聯句

陳生嬉驢羅罽罽曼君縑緗如雲開軒論賽中間規摹

天人尊銅士峨冠脩裳微須髣曼君長吟觀時神龍潛

賽南岡滋釐民攸瞻銅士無罇千整旂曼君風飛

雲鷄參炎精賽攀吳連川基襄荊銅士天乎亡劉侯忠

殫曼君侯精銷亡侯靈歎賽侯容悻哉吾摧肝銅士吁

今穹蒼昏鉤陳曼君安能英高如侯臣寒躬姬膺衡權

吾真銅士

哀雙鳳聯句三十二韻井叙

雙鳳某縣人少孤露鬻爲如皋倡女與許生識遂訂
婚娶許既貧不能如鴛欲往來稍稍閒而鳳終不妄
接人攜患苦之以憂死瀕危屬曰收我者許也吾儕
哀其志爲作此詩

二月江南柳曼君風條腕綠蕪枇杷門巷在寒裙屐酒

尊通無意逢花落銅士何緣救艸穌爲君數前事曼君

愴我鬱嘻吁碧玉家原小寒紅兒良不殊鳳饑梧粒瘦

銅士蟲蝕蕙根枯絳樹雕闌出曼君青螺寶鏡募彈箏

愁浪子寒扶酒倚香奴鬼卦金錢卜銅士歡情斗帳映

纈雲方空曉曼君瑞月莫難敷含睇羞團扇寒絨盟結

繡襦郎來嬰武覺銅士夢淺碧鸞扶半臂宵寧冷曼君

雙飛願忽孤綃縞窮贖蔡寒玳瑁獨棲虛豈悔偷靈藥

銅士終難並鄂杼隔簾牛女怨曼君遞簡角張迂彊笑

成歌舞寒華妝泣粉朱縱搖珊玉佩銅士未剖黑心符

宓枕惟遺植曼君蘇臺誓託吳露蓮秋後苦寒霜菊影

邊臞一病秦醫拙銅士千行楚淚俱名駒猶惜骨曼君

靈鳥竟辭笈宛轉卷施被寒淒涼杜宇呼命殘留鈿合

銅士肌煖待襜褕誰道城南豔曼君能從陌上夫百金

豪客賄賽九鼎美人驅往者曾平視銅士今來失彼姝

夫容慳晚墮曼君衛芷際春徂錦瑟鴛絃盡賽香泥燕

壘無欲銘羅襪冢銅士更涕博山爐滄海填精衛曼君

窮陰種橐吾天涯感淪落賽回首共踟躕銅士

儀徵道中聯句

破曉南風出廣陵曼君過江山色露微稜西征詞賦悲

潘岳賽東漢衣冠愧李膺魚美海鄉辭作客銅士花醜

莖館漫呼朋劇憐骨月中夢曼君長路春寒思不勝

賽

新息從來憶少游卷高平無那客荊州田間已識羊牛

好朝士江上仍爲雁鰲謀臣朔侏儒有飢飽是君中郎

都尉各兜鍪吾儕三十年方壯卷裸壤龍章儻可休朝

士

舳艫千里控隄防朝士三楚遺營迹未荒屢見番船通

海國是君愁聞歲幣出雲陽將軍隴右方屯甲卷都督

江東漫舉觴我欲絕裾悵風雨朝士起看太白正橫芒

是君

父老猶聞說沈公是君桑麻遺愛滿吳中桐鄉有廟醅

朱邑卷魯國何人薦孔融白日神鯨窺駭浪朝士青天

大鳥咽悲風東南民力凋殘甚並君繼政因循望小馮

塞

身世蒼茫泣五噫塞同舟爾我况將離大河落日重沾

酒銅士席帽談兵更賭詩墓訪屯田春家莫並君煙開

柴邑樹參差往來歲歲江干路塞愁絕風雲黑鬢絲銅

士

揚州雜詠

玉鈎斜

故國青山不解愁美人黃土已同休祇憐一席雷塘地

并與耕農入廢邱

九曲池

新詞竟唱安公子
淒絕知音王令言
縱有丹陽江可渡
也應不似舊家園

二十四橋

花花月月艷成煙
廿四橋頭月更妍
勝事祇今題不得
吹簫况在碧雲邊

隋隄

九華九里連歸雁

隋隄九里大雷雁臨江松林楓林九隄宮圮

隄平樹亦荒誰識楊家天子事
路傍人自說垂楊

衆興旅舍書楊子承題名後

淪落相看幾歲年
白頭何事更幽燕
傷心多少麻衣淚
泥壁逢君倍惘然

曉發

急柝回殘夢
荒郵犯曉寒
漸聞人語亢
敢畏客途難
白艸張門席
黃沙賣餅槃
劇憐諸父老
猶自羨征鞍

沂水

沂水看歸雁
悠悠自北征
馬頭初日大
車脚四山平
邏卒空荒埃
將軍說故營
干戈易絃誦
慨想魯諸生

沂州

檜梨舊舊黍
油油山氣凝
陰欲變秋擁
鼻微吟三十里

炎風催雨過沂州

長清曉發

畫行病蒸曦迺越芻爽先著衣辨顛倒炷燭蒙庭煙析
箸羅羹飶沙磔糝魚鱸彊飽固勝餓俛仰淒不宣出門
見西月涼暉帶曾嶺烏曉何哀哀上下回且旋月落不
可挽曉烏何知焉躬躬念骨肉淚塞聲梗咽旁人那能
亮亮亦非心肝惻惻復惻惻浮雲東南天

掘暑越岡嘯驚轂轟春雷馳驅下平陸颺颺飄黃埃我
僕旣云痛我馬良虺隤男兒志萬里晏快隳精骸夢蟲
自習苦寧爲將軍來將軍自英邁遠略高世儕藹藹穆

生醴峨峨燕昭臺舉世重金玉婉孌期龍駮束縛報知
已吾生焉可哀

啍啍夏禹甸弈弈青齊疆職貢重筐篚大利在農桑管
子天下才謀國富以彊如何千載還迺令行役傷圯穢
莽塗眡輸漑湮陂塘村女抱長瑟班白無禪裳天子有
命吏催科亦何良大官事軍國牙纒殊煌煌嗟哉一生
拙隱憂動無方馮軾寄短夢熙熙游陶唐

病馬

黃沙赤日路迢遙青絡朱鞍帶佩刀自分死生齏奉料
空憐奔走誤皮毛天閑十二從容飽邊陣三千牒躩豪

何事權奇獨凋喪哀鳴噴血滿蓬蒿

哀杭州汪子樵於宣南觀音院

聞道芙蓉玉露單誰令西笑向長安兩家憑客曾通驛

一弟看人到蓋棺以放柩死妨慧業自應依古佛憐才空復

憶天官故夏少白頭望子真何益却爲天注素冠

駐軍蓬萊閣呈節使

天子防邊賜節旄將軍橫海肅銅刁樓臺蛟蜃含秋氣

宮闕金銀向碧霄此地舊隣周肅慎當時誰數霍嫫媯

微聞玉帛方修好却倚危闌日聽潮

分題仇十洲士女圖戲集唐人句

妝發秋霞戰翠翹李月窗風簾夜迢迢許不勝惆悵還

惆悵休願作輕羅著細腰劉希夷

一度相思一度吟或落花流水怨離琴李向人雖道

渾無語玉碧海青天夜夜心李商隱

夜半月高絃索鳴元稹垂肩鞞褫太愁生虞世南此時若有

人來聽杜荀鶴更請霓裳一兩聲人前

為林怡菴葵題宮人飼鶴圖

一侍瓊宮宴金經讀幾年相偎憐綺袂不去惜青田識

字儕胥史吹笙引上仙未應同薄命紈素早秋天

荷雷圖為劉生桂馨作

伯倫生以酒爲名一石沈酣五斗醒我所不能猶玉局
可無與飲是公榮文章河朔憐書記羹膾江東憶步兵
挂席何因從女去木瓢真率是長生

有感

蛟宮一夜黯風雲絳節朱符下六軍橫海徒羸增鼃策
回天誰續卷堂文乾坤大雪三靈闕鱗介冠裳百怪紛
便欲申椒陳宛轉微波何處是湘君

重有感

愁聞跋浪伺鯤鯨一片扶餘海上城杞子何堪司北管
屈罷要賴簡東兵錦衣仗節空都護墨絰臨邊有上卿

坐使積薪仍厝火犧牲玉帛任尋盟

題王酉室畫本事詩後

芳艸無因妬葦蕒春愁著力縮楊絲分明萬載華嚴劫
證取黃羅扇底詞

飛燕傳聞出畫梁髮蟬何事怨宮妝也知孤負藍橋別
擗碎朝來玉杵霜

霧閣雲窗玉鏡開迷離往事泥人猜記從七尺玻璃外
端著春衫試影來

雲籤寶籙乞聰明一夕菩提證上清應悔夢中傳小字
人間喚作許飛瓊

少年贈南海徐生

少年海外劇相逢
瑤勒珊瑚鞭意氣雄
不信文開生仲祖
但聞鄒忌慕徐公
微詞賦色憐牆上
顧影隣花寶鏡中
却憶初明論七貴
幾回怙悵道邊翁

卞玉京小象

卻將萬恨付靈飛
故國烽煙事事非
愁絕聽琴吳祭酒
黃冠無地乞身歸

爲曼君題梅因事嘲之

香海無端見折枝
一花一萼總相思
不知月落參橫後
縞素何人瘦似詩

朝鮮金石菱參判昌熙命其子教獻既冠來見與詩勗
之

憶昔初行冠明庭舉茂才淹遲雄劍合牢落爨琴灰幕
府因征伐尊公與往來風雲激深感期子鳳翎開

書朝鮮趙玉垂參判冕錫異苔同岑詩卷後

八十吟詩尙自豪唱醜衰衰盡中朝誰憐老屋寒梅下
羊酒官家久寂寥

笠杖婆娑興尙狂朝朝白髮對紅妝不知耘老雙荷葉
能寫新詞日幾章

調玉垂逸妾

誰憑般子易通犀
開閣原應放柳枝
從此安心參佛祖
愛河清淨見摩尼

書朝鮮近事

春秋義與孝經符
太息龍鍾宰相疏
爲問一時徽號啓
何如封禪茂陵書

諸生漫切賈生憂
絳灌助高自運籌
蕉萃漢陽江上路
幾人敝盡黑貂裘

送黃李二生歸江原道

時事江河下紛紜
口舌爭上書空涕淚當路有公卿
白璧珍緘鏘青山
遲耦耕即看齊二隱
愁甚魯諸生

招隱三首贈金石菱 石菱築三思亭期十載後歸隱
索詩爲券感而賦之

大道日榛蕪仁義委芻狗混茫睇八極隆閉泣陰黝海
水薄天飛瀕洞震地紐紛縕上邊功龍魚乃雜蹂當其
時會棄嫫媠均好醜得喪儻然事素履儻无咎曳尾泥
塗中我懷漆園叟

似聞北山士隴笑騰千春亦越崔伯淵飾竟灰其身古
來聰知彥動與尤悔因功利豈云惡所貴乎我真山澤
有坦途結蘭欽幽人扃巖築軒宇高桂籠青雲願言繼
瓊佩著書尊逸民

魯公營菟裘亦云吾將老表聖識三休知幾殊自好百
歲俟河清既已集炎槁云何期十霜人事誰能保浮洪
恃周才爵服慮銷阜苾苾西山微菁菁南澗藻洵飴道
遙遊卜居亮及早

奉和叔兄詠梅

看日東瀛近相思動窈冥春偏十月早樹見小梅青寒
煥纖條共欠霜夙夢醒多應隔芳訊慙愧艸堂靈

叔兄詠梅

昨歲艸堂下方春梅已花側枝因水見高影不籬遮
霜月驚塵夢江湖感物華欲將故園思汎汎寄靈查

張季子詩錄卷四終